

Loeg Nyied Loeg:

Ngoenzciet Conzdungj Hoenghhwd Buyihcuz

布依族代表性传统节日“六月六”

□Gyauz Gijmingz ingj Sinhyungz hoiz



▲ Youq naj duzdwngz angq foux lungz, baujyoh rumz dingh fwn youh yinz.



▲ Goenglaux ndaw mbanj daiq vunzlai, doengzcae caeq-baiq Baenzgaejvuengz.



▲ Gyoengqsau doxbang caez cang lengj, ngoenzciet siengq mbauq bei gyaunde.



▲ Boq kauh caeq aenryenz, sing seprem rwenzhap.



▲ Ngaizdaizraez Buyih homfwt, mbokcuk cang gijwn haekfeih.

Ndwenloeg coloeg dwg ngoenzciet conzdungj Buyihcuz hamz miz geiqniemh caeuq caeqbaiq ndeu, caemh dwg ngoenzciet dwkcungq dojdeih caeuq saenzndoi, gij hoenghhwd nauhyied de cij siuj ndwencieng di he, ndigah mbanj dieg vunzlai Buyihcuz caemh heuh ciet neix guh “gvaq cieng iq”. Ngeihcib sigij betcib nienzdaih co, “loeg nyied loeg” ndaej dingh guh ngoenzciet conzdungj hoenghhwd Buyihcuz, moix bi ngoenz neix, gak dieg Buyihcuz guh gak cungj gak yiengh hozdung hoenghhwd, doengz-caez angq hoh ngoenzciet.

Beixnuengx Buyihcuz dingzlai comz youq Gveicouh Swngj, mbanj comz youq Yinznanz, Swconh, Gvangjsih daengj swngj-gih. Gak dieg Buyihcuz cungj gvaq ciet “loeg nyied loeg”, hoeng gij heuhfap de cix mbouj doxdoengz geijlai, mbanj giz heuhguh “ciet dienvuengz”, “ciet nonvuengz”, mbanj giz heuhguh “ciet lungzvuengz”, “ciet guhfwen” daengj, hozdung fuengsik caemh gak miz daegsaek, hoeng gij eiqsei de cix ca mbouj geijlai doxdoengz, cungj dwg swnh seiz ndaemnaz sat le hong soeng di haenx, caeq saenznaz, saenzndoi, lungzvuengz, dienvuengz, nonvuengz, Baenz-gaejvuengz daengj saenzlingz, mbaenj rumz dingh fwn yinz, gohaeux funksou. Mbanj dieg lij youq ngoenz neix bae henz naz bonjfaenh gaj gaeqboux, dawz lwedgaeq rwd hwnj gwnz maxcej bae baek youq henz dwnjinaz roxnaeuz cunggyang gajqaz, eiqsei dwg gaeqboux gwn duzdaek duznon raeg bae, haeux ndaej funksou, max doz mbouj liux; mbanj dieg lij swnh ngoenzciet dingh gvigawj iekdingh ndaw mbanj, doxcomz guh geiqniemh hozdung, geiqniemh gij vunz caeuq gij saeh riuzcienz roengzdaeuj

haenx. Youq ranghdieng Buyihcuz Gveicouh Swngj Anhlungz Yen, gij gangfap gvaq ciet cix caeuq diegwnq mbouj doxdoengz, dwg geiqniemh vunz dangdieg seiz Ciuhcingh youq ngoenz ndwenloeg coloeg mbat doucwngh fanj funghgen dingj apbik ndeu cix gvaq ciet “loeg nyied loeg”, hawj ngoenzciet “loeg nyied loeg” miz le cungj yiui moq ndeu.

Moix bi ngoenz liggaueq ndwenloeg coloeg, beixnuengx Buyihcuz cungj aeu youq ndaw mbanj doxcomz angqyangz gvaq ciet, guh dwkcungq caeqbaiq, doiq fwen daengj gak cungj hozdung daiq miz fungsug bonj minzcuz haenx, ngoenz neix caemh dwg ngoenzndei gyoengqvunz raennaj doxgyau, daegbied dwg aen gihvei ndei gyoengq bouxcoz saimbwk roxnaj doxsug doxlien ndeu. Daj saedhengz gajgwz hailangh gvaqdaeuj, gij hozdung neiyungz “loeg nyied loeg” Buyihcuz ndaej fazcanj cienziengz, cawz guh conzdungj dwkcungq caeqbaiq hozdung, geiqniemh hozdung caeuq vwnzdij hozdung le, lij laigya le hawfwen gak minzcuz caeuq doxgaiq gaicawx daengj neiyungz, gyoengqvunz angq comz youq gizdieg bingzbwd gvangqyub, mbanj dwk lanzgiuz, bengcag, benzbya, beij buetvaiq, mbanj eu fwen ciengq go diuq foux, boq loxlez, boq mbawfaex, ndeiawj youh nauhyied, yinx baenz cien baenz fanh vunz humx yawj; byaij haeuj gwnzhaw “loeg nyied loeg”, aendan aen daep aen baizlele, gwnz dan baij gak cungj gak yiengh doxgaiq rimwmwd, vunz bae vunz dauq, doxcaenx ndaetndi, hemqgai ganggyaq, nauhyied gyukgyad, heiq ngoenzciet naek-gywggywg, vunzlai sim’ angq vuenheij dangqmaz.



▲ Ndaw mbanj miz aen nyenz, vunz rengz mbanj andingh.



▲ “Betyaem Buyih” sepssetset, ngoenzciet danzciengq gyoengq-vunz haen.



▲ Mwngez cam gou dap doiq fwen haenq, vunzlai caenx dwk dingq maezmwd.



▲ Lwngyez Buyih cang vunzdaemq, yienj heiq “vwnzdanghmuj” ndeiawj.